

Ղին յերկնից կառօք եւ երիվարօք եւ զամբիւղօք¹⁾ լուսեղինօք, այլ սակայն զերկնայինսն զարմացուցին գործօք: Այսմ Տէրն է վկայ որպէս եւ ետ իշխանութիւն անշուշտ բերանն՝ Ձմեծամեծս քան զսոյնս գործեսցէ, եւ՝ Գետք յորովայնէ նորա բխեսցեն կենդանի: Եւ զի՞նչ ասասցուք առ այս. զի՞նչ արասցէ Տէր մեր մեզ, աստիս այսքան զմեծ պատիւ եւ զփառս եւ անդ ի սեղան Հօր իմոյ մեծարեմ զիմ սիրելիսն եւ ես անցեալ պաշտեմ, Ե՛կ ծառայ բարի եւ հաւատարիմ ասելով պսակեմ, որպէս սուրբ առաքեալն ասէ. Որոց գովութիւն յԱստուծոյ եւ ի մարդկանէ է: Այլ զի՞նչ խնդրեսցուք ի Տեառնէ մերմէ, եւ տեսաք յայն ձայն հետեւեալ ոչ միայն յարանց այլ եւ ի տկար կանանց վառեցեալք զօրութեամբ, որպէս Թագաւորն պերճացեալ զօրութեամբ եւ փառօք, ասէ, ի մանուկ ի կուսէ միոջ պարտեալ ամաչէր: Ոչ միայն ի նորումն միայն բիւրք բիւրոց եւ հազարք հազարաց, որոց կոչումն երկնային էր եւ ոչ նման Յուդային եւ Արիոսին եւ նմանեաց նոցին մինչեւ ցայսօր, այլ զոր Պօղոս զհինսն թուէ՝ Սցին զբերանս առիւծոց, զորս ոչ արժէ աշխարհս ամենայն զմի ի նոցանէ: Զնոսա այլ մայրն ծնաւ, նոքա այլ ունէին զամենայն բոլորովիմբ զբնութիւնս մարդկեղէնս. որդիք անհաւատից, որդիք կռպաշտից, որդիք ամբարշտաց, որդիք անշանից եղեն նշանագործք եւ մեծ անուանիք: Տեսեր զայլ թհամալին աննշան մանուկն մատաղ (*), միայն ի ծնողաց լուեալ թէ ի հաւատս Քրիստոսի եմք, եւ

1) զամբրիոցօք.

(*) Ակնարկութիւն 1682 Մայիս 19 ին Կ. Պոլսի մէջ նահատակուած կարնոյ կան գիւղացի Գրիգոր քսանամեայ պատանին: Ասոր մասին տե՛ս մեր յօդուածը, Սլոն, 1932, էջ 122-123: Ծ. 2.